

山左金石志

山左金石志卷第十六

蘇州府城都察院右都御史魏濟南等處地方巡撫魏繼祖同撰

內閣學士蕭燾郭琳南等撰是 蕭燾同撰

宋石

聖壽寺石壁題字

天禧四年四月刻正書碑高一尺三寸廣一尺在嘉祥縣
七日山聖壽寺佛龕左壁

右題天禧四年千秋鄉七日村口口修造佛足蓮花之事
凡七行又石佛後壁有文老口口口正月十日來遊行書
二行未詳時代附記于此

仰天山應真造像記四十八種

天禧等年刻俱正書在臨胸縣仰天山白雲洞

案仰天山白雲洞舊有石盤五百應真明永樂初鉅毀存者無幾乾隆乙卯春段赤亭同季廉夫訪碑至洞擇其題字可辨者拓得四十八種紀年不出天禧五年乾興元年天聖元年皆是男女供養之詞無他敘述也

靈岩塔院尊勝經幢

天聖二年十月立正書高五尺凡四面圍四尺在長清縣靈岩寺塔院

右幢前刻序文次尊勝真言後列合寺僧衆凡一百二十四人

壽聖寺塔記

天聖七年閏二月立正書凡四面俱高一尺四寸廣二尺在諸城縣白龍山壽聖寺

右一面刻天聖七年閏二月施主題名八行字徑五分左
刻明人登白龍山佛閣詩二首一面刻施主題名凡十二
行字徑五分左刻記文行書五行字徑寸許又二面一刻
邑人張世則詩二首一刻孝廉王化貞詩一首又和韻一
首俱草書皆無年月

大奎山摩崖

天聖十年九月刻正書在淄川縣南大奎山石壁

右刻未詳尺寸諸生高

中談

記畧云石壁高峻不可摹拓

首題天聖十年九月一日記□□□住高□□公起建大
寺九座塔兩座內右峰高四萬二千尺大尺開河一道□
□凡四行字徑二寸

孔道輔祖廟祭文碑

景祐二年六月立正書高二尺二寸廣三尺四寸在曲阜

縣孔廟

祖廟祭文

道輔諫

維景祐二年歲次乙亥六月癸丑朔九月辛酉四十五代孫龍圖閣直學士劾請夫夫右諫議大夫知兗州軍府事兼管內勸農使及管勾仙源縣 景靈宮太極觀提舉兗鄆濮齊州濟平軍兵馬衣甲巡檢公事上輕車都尉魯郡開國侯食邑一千一百戶食實封貳伯戶賜紫金魚袋竊謹以清酌庶羞之莫敢昭告于

祖聖至聖文宣王竊早持邦憲黜典淮城方數月間遷守徐城大君之惠樂諫旌忠亦以

祖聖慶餘能守直道不真於法儒者進則事 君退則事親忠

孝之道

祖教之本後嗣弗能守其孰能行之昔曾子晬山

無祿能事父母今躋位爲大夫權任方面

嚴父慈母不能

歸養豈

聖意乎因西鄉拜章

天從其欲

詔守故

魯對敬

休命且厚於親者薄於位深於道者淺於利修其

身者尊其祖明於禮者先乎祀禘不佞敢事親守道恭祖致祀
將無忝 祖聖之慶夫日月之運天地之久不言之化也贊

日月之明合天地之功言成其化者

祖聖之教也

明

天子北面事之如親弟子禮固不假後昆辭而尊之然後爲貴
也今授魯之政至治之初灑掃 祠壇鍋潔牲幣采盛庶品

祈享厥誠惟福流於親益永其齡以充公顏子七十二賢二十

一先儒從祀配神尚饗

將仕郎試祕書省校書郎張宗益奉

命書

沈昇刻

將仕郎前守徐州彭城縣主簿良輔 將仕郎守將作監主簿
彥輔將仕郎守國子監主簿襲封文宣公宗愿朝奉郎行太常
寺太祝宗亮宣德郎行太常寺奉禮郎宗翰

通奉大夫守祕書監分司南京主管 祖廟事上柱國會稽縣
開國伯食邑八百戶賜紫金魚袋勗

右碑文及題銜凡二十八行字徑八分案宋史孔道輔本
傳載明道二年十一月召爲右諫議大夫嗣以爭廢后事
出知泰州景祐元年徙徐州碑稱早持邦憲黜典淮城方
數月間遷守徐域是也傳又云景祐四年徙兗州近臣有
獻詩百篇者執政請除龍圖閣直學士帝曰是詩雖多不
如孔道輔一言乃進道輔龍圖閣直學士今據碑是景祐
二年知兗州因祭祖廟且系銜已有龍圖閣直學士其乞

養一事亦史傳所闕載末列銜名三行名最者道輔之父
故書體較大別爲一行長輔彥輔皆道輔之弟宗翰乃道
輔之子見本傳宗愿宗亮皆其從子也

孔廟新建講學堂記

景祐四年七月立正書篆額碑高六尺六寸廣二尺在曲
阜縣孔廟奎文閣西

右碑額題講學堂記字徑五寸文十九行字徑八分文體
淺陋不足錄也

鄆州新學記

景祐五年七月立正書篆額碑高七尺五寸廣三尺二寸
五分在東平州學

鄆州新學之記 額三行字徑五寸

鄆州新學記

宣德郎守太子中允直集口院通判軍州兼

管內河堤勸農同郡牧事借口口口彌撥

朝奉郎光祿口

口口口口口口續書并篆額

景祐四年丁丑夏六月

丞相沂國公出鎮天平其口政成民安朕居頌聲遠聞庶邦皆

取則於我空三字公曰應務之治足以幹時未足口持久吾其樹

本原教人行仁義信讓口去故俗爲萬世法明年戊寅占郡廡

西南陬建學舍一區空四字手疏奏曰古者家術黨巷皆有庠序

口可廢也臣治所地方數百里生齒十餘萬實口空三字京口輔

郡况鄆魯舊壤顧缺然不聞絃頌之音無以示四方臣已議立

舍願空三字賜名爲學且授田五夫以圖經費購辟雍書千九百

卷以脩習讀

制皆從之空三公喜形於色乃下教曰學之不修制度之不明

有司之過也學與制度具而弗吾從咎將誰執今

天子命之教吾能承空三命不敢迫違吾與諸生約後十日會

于學口有不如約吾則汝罰士人聞之口禮器挾書筴決口口

口者如雲汲汲然惟恐居後口口口口口請以籍空三公曰

嘻若是可教也乃考幣玉之禮聘諸生口口者以專講謹厚者

以尸事程述作觀人之趣詣口條教納人口口口口物以口

禮立射棚以口武口民之口異供左右之器咸御空三賜田不

支卽命別市腴土以筭租又廬於口口口口地利質惟羨登

事克修舉口口信生徒益至道常則勸業履逾萬每朔望空三

字公夙駕稅於學見僚屬已召諸生諄諄譬誘若己子口口口

長之貴而下與爲伍諸生口口口口帥教治窳爲良化羣爲口

入其境可以知俗升其堂可以知人溫柔而直恭儉而不煩翕然詩禮之邦也昔仲尼居洙泗孟子適齊梁文中遊河汾時中主不興天下口焚潰聖賢遁塞皆不得位以行乎道弟授業於其徒而傳於後

公遭時得

空三字

口口尊道茂口至猶以教學爲首善其於聖

賢之事宜無愧口矣案先王立學所以誨人於道三德爲上四教其次最下六藝也業已著則官之爵口然後祿之官爵出於君故輕以先祿出於民故重以後何則事功旣立人受其賜於是君始與其享民力之所出示不敢空食則口臣者豈徒爲祿而爲學哉然口云學也祿在其中蓋天子假是誘中人以下不爲知道者發嗚呼此乃空三字公興學之本意也鄙人其識之口構重口於中棟宇甚偉前以口口肆後以列試席虛庭對敵脩

廊迴合內則延解律之士外則待經術之件儲書有藏遲賓有
次都養者有館僕臣者有舍爨于側所以遠譁廩于鄙所以杜
紛旣而闢東園之廣揭北亭之高爲學者游息之所別起小學
于右偏雖童口以求而弗以拒也最凡百三〇〇〇初本道轉
輸自陶徙居鄆鄆以新城力甚屈公宇多彙作取口故使副之
署權東西而居者不以爲宜至是空三字公益修東署爲二〇其

口以就學焉鄆自隨室名州越五百祀其間樂興事者衆矣至
於橫校俟空三字公而成以是知根道之難乎舅始作卽選口署

節度判官公事殿中丞孫瑜口節度掌書記蔡充須城縣主簿
郭勤聯弼以領其事落成之日空三字公謂弼曰若知是本末盡

書之弼口諾退而實錄鵠諸石以誌汶陽一變之始云景祐五

年七月丙申朔二十一日丙辰記

承奉郎試大理評事權天平軍節度字書記蔡充 朝奉郎

試大理司口兼侍御史權鄆州觀察判官郭安世 右班殿

直兵馬監押兼在城巡檢楊繼贊 東頭供奉官閤門祇候

兵馬都監兼在城巡檢李文遠 朝奉郎守殿中丞簽署節

度判官廳公事騎都尉孫瑜 朝奉郎尚書口部員外郎通

判軍州兼管內河堤勸農同群牧事輕車都尉賜緋魚袋潘承

渥 京東諸州水陸計度轉運副使兼本路勸農使都大管

勾兗州景靈宮太極觀公事朝奉郎尚書兵部員外郎直史館

護軍賜紫金魚袋韓演 京東諸州水陸計度轉運使兼本

路勸農使都大管勾兗州景靈宮太極觀公事朝散大夫尚書

刑部郎中上護軍賜紫金魚袋陳杲 推誠保德崇仁守正

協恭忠亮翊戴功臣資政殿大學士開府儀同三司行尚書左

僕射判鄆州軍州事兼管內河堤勸農司群牧使上柱國沂國公食邑一万二千五百戶食實封伍阡口陌戶王曾

右碑文二十七行字徑八分東平之有廟學自王沂公始碑稱手疏於朝賜名爲學是當時郡縣尚未有學舍之名也

孔道輔重建五賢堂記

無年月行書篆額碑高八尺九寸廣三尺八寸在曲阜縣孔廟金絲堂前

右碑額題五賢堂記字徑六寸文二十一行字徑一寸闕里文獻考載其文而不詳撰碑年月據縣志云景祐五年孔道輔撰并書今案碑撰書銜名祇存直學二字攷道輔以景祐四年內知徐州徙兗州進龍圖閣直學士是其證

也

朝城孔子廟記

慶歷四年五月立八分書碑高五尺五寸廣二尺四寸在

朝城縣學

大名府朝城縣孔子廟記

建康劉之圖言

三艘王樂

書 太原霍處約篆額

韓愈正孟軻之言以孔子得萬世之祀天子有北面之禮道過
扶舜者遠其進萬世之心以高天下之取者乎當時天下復正
韓愈之言深尊孔子之道廟儀祀制之外尤大學生之館獨魏
博間爲搏兵之陋其祀闕然韓愈死三百年歷五代之雲事益
不振故嘉士豪才軒衣而三去或得壹式之傑皆非本地之學
豈孔子之道有遺韓愈之言不進哉抑主地者之學也

宋統天下奄正前古民經吏務大澤於孔子之道大丞相文正王
公出鎮于魏魏博之學始有漸焉慶歷壬午之紀

著口佐郎田君諒爲魏朝城事之初年狄人趨勇磨牙以搖南
吞之欠大河之北賦調紛急以虞不常遭剽之殘乘虛外策

君口教之失也民胡爲而罰哉吾當百里地其無愧畏乎窆口

正乎本以寧之適復流亡以綏內外號令事物之制安口衰稚
之衆未暮歲而號大蘇字空三君曰教可申也卽召邑民之良者

而諭之曰振世之貴儒爲首涂有衣冠禮樂之盛孝弟文章之
美得以慶式靈走萬怪息凜而朝百夷窟穴桀黠膝行奉首之
道疇若大猷先尊廟學俾汝子孫億萬斯年爲輿道之民汝其
圖之民被 君之化忝忝而深令下之日有以殿位廊廡而告
者有以聖像禮器而告者有以講堂學舍而告者有以賓館廚

廡而告者畢力壹致謹然告成噫學者致道之器也天下之亂
猶器之不立焉空三字田君貴之有道者也嘗與堯章侍講趙君

師民講學于青皆稱山東之冠立朝之賢而豪者多出門下初
命永靜軍東口簿不鄙其俗率子弟以教之登仕籍者數有焉
凡爲他官式先斯道以懷四方其亦慮天下之亂者歟其亦韓
愈之心以高天下之取者歟劉之圖懼來人之不脩作弋詩以
永之

伊昔政人 有味斯章 俾我魏北 民心以瘍 干戈悔生

日月其將 有哲田君 日崑之良 寶庇生聚 高規黨

庠 矧制一邑 實懷四方 庶貌軒然 德義之堂 春敷

之奠 靈其迪嘗 恢于永來 以流化光 後之不承 亦

孔之傷 聖宋慶歷四年歲次甲申五月壬戌朔式十日辛巳

建石 張秀刊 文林郎守縣尉藥令德 文林郎守主簿張

仲華 承奉郎守祕書省著作佐郎知縣事田臨

右碑文及題銜凡十九行字徑八分文序縣令田諒興建
縣學又云田君嘗與天章侍講趙君師民講學於青賢家
多出門下惜其名不見史傳益都雲門山治平丙午題名
中有太常少卿直史館田諒疑卽其人也武虛谷云諒後
歷官又見興州新開白水路記題銜利州路諸州水陸計
度轉運使兼本路勸農使朝奉郎守尚書工部郎中充集
賢校理輕車都尉賜緋魚袋其時當嘉祐二年距慶歷壬
午十有六歲矣諒於白水路亦爲踵修實司其成蓋所在
皆有績狀如此趙師民宋史有傳云青州臨淄又遷天章
閣侍講與記合

張從訓東安廟設醮記

慶歷六年六月刻正書石高一尺六寸廣二尺在臨朐縣

東鎮廟

右刻首題內侍省內侍殿頭勾當法酒庫張從訓奉宣爲
登州地震差於沂州東安公廟設醮云云凡十二行徑五
分案宋史仁宗本紀載慶歷六年三月庚寅登州地震岫
嶇山摧自是屢震輒海底有聲如雷至五月甲申京師地
震蓋其時災異疊見故有東安廟建醮之舉也

富弼等雲門山題名

慶歷八年十月刻正書在益都縣雲門山洞南

右刻朱昉齋自友人處借錄題云慶歷八年十月十二日
東路安撫使知青州事洛陽富弼彥國暇日肅賓逮仲弟

儀彥客遊雲門山大雲頂題記洞壁咸口成奕延祖富春
孫周子密河南張宗益仲異彭城劉槩孟節清河張續禹
功從凡七行字徑四寸末行從字下小注宗益命題五
字段赤亭云鄭公以慶歷五年因夏竦之誣出知青州八
年河北京東大水河決商河流民徙入境內公勸所撫八
州之民出粟賑給益以官廩凡活五十餘萬人當此飛鴻
滿目晷不寧處而乃有暇清遊從容若此豈謀之有素固
能處之裕如邪劉孟節本壽光人少師種放鄭公爲築室
冶原泉上餞之以詩所謂先生已歸隱山東人物空者此
題彭城乃其舊籍張宗益殆卽熙寧初充遼國賀生辰正
旦使者

李若清等泰山王母殿題名

皇祐五年四月刻石高二尺六寸廣二尺七寸在泰安縣
王母殿重門外西偏

右題云道正賜紫李若清等大宋皇祐五年歲次癸巳四
月一日庚午記凡七行左讀字徑一寸五分其前又有元
祐八年重修王母殿及勅置花茵記四行是後來續題者
觀音經石刻

皇祐六年二月立正書在濟寧州浣筆泉後八蜡廟
右碑自黃小松處借錄正面上鐫佛像下刻觀音經一卷
凡二十八行末年月題名二行碑陰字皆磨泐

譚清等崇聖寺造象記

至和元年八月刻正書石高一尺七寸廣一尺三寸五分
在臨朐縣崇聖寺

右記及施主姓名凡十五行字徑八分文庸字劣皆村俗所爲也

天齊廟碑

至和元年十二月立正書篆額碑高五尺七寸廣二尺六寸在諸城縣相州集天齊廟

右碑額題仁聖帝碑四字徑三寸二分文二十行字徑六分因遭磨治大半無字惟年月尚存耳末數行刻村社人姓名

興化寺寶乘塔碑

至和二年十一月立正書篆額碑高七尺四寸廣二尺五寸在菏澤縣左山興化寺

右碑額題曹州重修寶乘塔碑銘三行字徑三寸文二十

三行字徑八分末行銘詞下小注書碑刊石人姓名撰文者爲錢明逸其系銜與史傳所載各有詳畧不同

靈岩寺杜堯臣詩刻

至和□年九月刻正書石方廣一尺六寸在長清縣靈岩寺

留題靈岩寺 知鄆州軍州事杜堯臣

四系精藍冠古今千山影裏寺難尋年來蹤跡如萍梗不得登臨恨更深

先祖侍郎天聖六年中被

詔自齊移鄆□過靈岩川時以赴上有期不暇登寺遊覽乃

留題於寺莊彭壽比者獲領是邑因案民田抵下院恭觀

□□□□歲久文字晦缺遂命工刊石至和□年九月一□孫

通直郎守太子中舍知齊州□□縣事兼兵馬都監彭壽再拜
立石

右刻前詩五行字徑一寸五分後跋八行字徑九分乃天
聖中杜堯臣留題靈岩寺之下院至其孫彭壽於至和中
摹勒上石也

郭聖澤靈岩寺題名

無年月正書在長清縣靈岩寺后土殿側

右題郭聖澤因設水陸到此丙申孟冬十七日題男口侍
行三行左讀朱朗齋定爲嘉祐初所刻

靈岩寺辟支塔題名

嘉祐二年三月立正書凡十石俱高一尺八寸廣三尺二
寸在長清縣靈岩寺

右刻及後二種朱朗齋自他處借錄未見拓本題名十石
皆嘉祐二年三年間刻所列男女姓氏約三千人皆助錢
修塔者

山僧守忠立願齋僧記

嘉祐三年四月刻正書崖高三尺五寸廣四尺在益都縣
雲門山

右記二十三行字徑寸許文詞蕪雜殊不足觀

寶相寺石幡竿題字

嘉祐三年九月立正書凡二石俱高五尺四寸廣二尺厚
九寸上圓下平首端有穿在汶上縣寶相寺

右二石一題字六行一題字三行字體大小不一多記施
主及寺僧姓名

王懿臣雲門山題名

嘉祐四年正月刻正書在益都雲門山洞南

右題云平山王舉元懿臣權領東秦率府僚某某等同遊
嘉祐己亥正月十九日題男詡讓護并門人汝陽張伯奮
從凡八行字徑三寸末行下又有小字題孫男璞崇寧壬
午歲守官青社恭覽祖父己亥中率府僚遊山題記先人
二叔從歲月推遷逮今四十四年矣仲冬望日曾孫良憲
謹書凡三行字徑八分段赤亭云案宋史王化基鎮定人
與二子舉正舉元俱有傳此題曰平山者沿唐稱也舉元
以上父章賜進士出身知潮州轉河陰發運判官歷仕轉
運鹽鐵等使終給事中不言其權領東秦者史略之也舉
元子詡以蔭補官躋位通顯史亦有傳此云詡讓護知舉

元必有四子詔居其長耳崇寧壬午爲徽宗卽位之二年
舉元卒於神宗朝相去已二十餘年孫男璞復官青社觀
物懷人無異鄭述祖之對白雲堂諸刻也王詔子璠使京
西攝伊洛父子相望人以爲榮讀此刻知舉元諸孫不獨
一璠能肯堂構矣後稱曾孫良憲書其書頗有家法史稱
王氏多賢子孫洵然

洪山嘉祐題字

嘉祐五年正月刻在嘉祥縣洪山頂

右題嘉祐五年正月二十八日記山口修垣子一行字體
大小不等不記書者姓名所稱山口垣子今無攷

靈巖寺千佛殿碑

嘉祐六年六月立并陰及額俱正書碑高一丈廣四尺在

長清縣靈巖寺

右碑自他處錄寄未見拓本額題靈巖千佛殿記字徑六寸文二十三行碑陰刻施主姓名及元祐靖康題名二段張挾留題靈巖寺詩刻

嘉祐六年七月立正書石高二尺九寸廣一尺六寸在長清縣靈巖寺

留題靈巖寺

龍圖閣直學士尚書兵部郎中充眞定府路都部署兼安撫使知成德軍府事張挾

再見祇園樹流光二十年依然山水地況是雪霜天闕影移寒日鐘聲出暝煙鹿官苦奔走一宿亦前緣

嘉祐六年辛丑歲七月一日齊州靈巖寺主講經賜紫沙門重

淨上石 京兆府普淨賜紫僧神俊書 眞定府郭慶刊字

右詩及題銜年月凡六行字徑五分張揆題銜稱尚書兵部郎中云云史傳皆畧而未載碑刻于嘉祐六年時揆年六十七歲詩云再見祗園樹流光二十年以傳證之當是明道中知萊州掖縣時會到此也

章邱重修夫子廟碑

嘉祐六年閏八月立正書篆額碑高六尺七寸廣三尺一寸在章邱縣學

右碑額題重修夫子廟碑二行字徑三寸文二十一行字徑一寸二分文爲宣德郎守尚書都官員外郎充清平軍使兼知章邱縣及管內勸農河堤事騎都尉借緋郭瀨撰案宋史地理志景德三年以章邱縣置清平軍熙寧二年

廢軍卽縣治置軍使此碑郭灑系銜已稱充清平軍使則此官非置於熙寧間矣書此者賜紫僧神俊筆力圓勁頗得魯公遺意宜乎以儒學鉅碑借重於方外也

蘇唐卿書醉翁亭記

嘉祐七年十月立并額俱篆書碑高七尺廣三尺一寸在費縣署儀門下

右碑額題滁州琅琊山醉翁亭記三行字徑三寸餘記及年月凡十六行字徑二寸額左有明楊惠正書題跋六行蘇唐卿不見史傳據跋稱其知費時歐公已去滁而位相以此記請于歐公篆而立石者

雲門山題名四種

年月書體詳後並在益都縣雲門山

一題嘉祐八年七月二日口合張稚圭稚游稚賓稚恭同尉趙世寧來凡三行左讀正書徑三寸五分案張稚圭見宋職官志注宗正丞以都官員外郎張稚圭爲之神宗疑用異姓王安石言前代宗正固有用庶姓者乃錄春秋時公族大夫事神宗於是召稚圭對而命之陶南村古刻叢鈔云嶺南張公洞壁題名有治平四年九月張稚圭稚游十一字讀此知稚圭嘉祐末曾令益都後卽轉官于粵至熙寧中乃內遷矣

一題治平丙午四月念六日東路安撫使知青州盧士宗提點刑獄度支外郎蔡延慶太常少卿直史館田諒通判職方郎中楊申同遊云云凡四行左讀正書徑一寸五分末行徑六分案宋史列傳盧士宗字公彥濰州昌樂人舉五經

歷審刑院授天章閣侍講進龍圖學士以論仁宗祈願添
展一室事與禮官孫洙不合出知青州蔡延慶字仲遠乃
蔡齊之子舉進士通判明州轉提點京東陝西刑獄官丙
午爲英宗嗣位之三年二公蒞青史皆不記年月得此可
補其闕

一題尚書虞部外郎宋立仁男中正任安州司理中告中
孚侍行乙巳仲夏八日記凡二行左讀正書徑二寸與盧
士宗題名並列盧題治平丙午知此爲治平乙巳也

一題皇城使康州團練使京東路都鈐轄青州駐泊時明
路分都監文思王繼遠於治平四年十月初一日同遊雲
門山記凡二行正書徑寸許段赤亭云宋制皇城使再轉
授遙郡團練使鈐轄爲時明本官上乃其前銜也路分都

監掌本路禁旅屯戍邊防訓練之政令不聞並設二員文
思二字豈繼遠文思使之銜名耶

張慶等蓮花洞題名

嘉祐九年正月立正書石高八寸廣一尺在長清縣五峯
山蓮花洞

右題名六行字多殘闕惟存匠人張慶等名乾隆乙卯季
夏段赤亭親至洞內與隋末造象記三十種同時拓歸

仰天山李寧等造象記

治平元年四月刻行書在臨朐縣仰天山觀音洞

右題青州臨淄縣辛口口劉口村李寧糺衆人刊觀音菩
薩一尊于洞云云凡七行其左又有淄川縣人士翟小大
田昆口正書一行右有大德十一年五月一日單齊賈同

遊記正書一行此亦段赤亭親至山間拓歸者因並錄之
慧日院金剛經幢

治平四年正月立正書石高七尺二寸凡八面圍五尺六寸在臨邑縣慧日院

右幢八面首刻經文次記文年月餘皆施主姓名字徑七分

泰山麓白龍池題名二十九種

年月書體詳後在泰安縣泰山麓白龍池石壁

一題入內供奉官李舜舉被命禱祀帝岳奉香勝槩于壽聖節日先款青帝宮次詣白龍潭治平四年題書吏李恭從行凡六行正書徑二寸

一題兗州劉袞奉詔祈雪于岱宗登絕頂翌日謁白龍池

之祠元祐丁卯孟春初四日奉符令林會題凡八行正書
徑二寸六分此段前六行上又有題字云回自百丈泉烹
茶鼓琴以終清興凡十三字

一題府簽稽景華邑尉安中立同遊白龍池熙寧甲寅三
月廿一日題凡五行左讀正書徑一寸

一題貫道建欄於此以便遊者元祐丁卯正月八日凡二
行正書徑四寸

一題誠中君寶德叔崇寧二年八月廿六日自王母池來
訪此凡三行左讀正書徑一寸

一題山陽龔無黨被漕檄權宰奉高因率兒姪輩遊此時
元祐庚午中冬十一日凡五行正書徑四寸末行年月小
字注於下方庚午爲元祐五年

一題汴陽无永居士任紹承祖朝嶽罷同青帝觀主楊若
冲遊太平頂回瞻視白龍池聖跡時大宋紹聖三年二月
十五日謹記凡五行正書徑一寸八分

一題德光忠玉國寶文仲紹聖丁丑三月凡五行左讀正
書徑三寸末行年月字徑一寸二分

一題董元康政和甲午重九日攜家來遊質費賁待行凡三
行正書徑二寸甲午爲政和四年

一題自恭口觀元康兄留字政和乙未孟冬二十日凡四
行左讀正書大小不等

一題范陽正輔再遊同魯國景元至丁丑三月廿六日凡
三行字徑一寸七分丁丑當是紹聖四年

一題東之丁丑十一月望日遊南正同至凡三行左讀字

徑四寸五分

一題元符三年十月一日奉高人石匠呂全周通同游凡四行正書徑二寸

一題古豐任良孫嵩同陪古沛邵禮同遊建中靖國元年季春仲旬書凡六行正書徑一寸四分

一題元符庚辰七月晦趙習之徐安國弟居仁孫正仲同遊凡三行左讀正書徑三寸

一題韓存中點檢岳祠修造同王濟之一遊庚辰十月廿七日凡四行左讀正書徑二寸

一題長清董元康弟元發元濟元肅男質友人李勝之同遊崇寧元年壬午季春旦日新監海門稅董直書凡六行

正書徑一寸

一題奉符令李珪因捕蝗恭謁白龍祠男彙侍行崇寧壬午孟秋初七日凡五行左讀正書徑二寸

一題長清董自恭謁白龍池之祠罷酌泉石上時乙未孟冬中澣日凡五行左讀正書徑二寸乙未爲政和五年已見前題

一題莆陽陳國瑞子玉恭謁白龍池祠俯洞酌泉少憩而邁政和丁酉夏前二日凡五行正書徑二寸

一題李顯道張公美王仲興張去塵庚子孟夏十九日同遊池上凡五行左讀正書徑二寸庚子爲宣和二年

一題姜子正子方李晉道劉言可刁文叔同來庚子四月凡五行左讀正書徑二寸

一題鄆城李僎弟俊姪贛隨侍遊此癸卯季春廿八日凡

三行正書徑三寸癸卯爲宣和五年

一題許大希祈雨取水嘗至此凡二行正書徑二寸

一題東平陳正來遊此□□□不已端彥同遊凡三行正

書徑四寸

一題清河張天益嘗謁嚴公于此凡四行正書徑三寸

一題十三年春三日亞子觀水于池凡二行分書徑三寸

一題皇甫偁徐端朝孫口同遊建中靖國元年三月廿六

日題凡四行左讀字徑三寸

朝賢送祥禪師住靈岩寺詩刻

熙寧三年八月刻行書額正書碑高三尺二寸廣一尺九

寸在長清縣靈岩寺

宋朝賢贈行詩額三行字徑三寸

詩送 靈岩法師 安石

靈岩開闢自何年草木神奇鳥獸仙
一路紫苔通窅窱千崖青
雷落潺湲山祗嘯聚荒禪室象衆低
催想法筵雲足莫辭重趺
往東人香火有因緣

詩送 靈岩法師 充

戰士長戈赴荔原謀臣獻策廟堂間
吾師倜儻浮屠隱不事王
侯事經論兩街推許住靈岩百鳥
啼花待師口清風一振海潮
音曠劫曾蒙祖師印窮秋別我欲
何言珍重詳師指一彈

詩送詳禪師住靈岩 尚書司封員外郎直史館同修起居

注直舍人院兼同知審官東院事蔡延慶

靈巖川上白雲深十里青松畫自陰
遠寺幽佳傳已古名山勝
絕冠于今羣峯環翠凝秋色危壁飛泉瀉暮音此景 去爲

風月主五湖應不起歸心

詩送靈崑道光大師

尚書祠部郎中新知饒州蔡冠卿

僧讀儒書舉世稀惟師精學出塵機

上都香火安禪久東

國林泉徇衆歸道在莫從形相索身閑都覺利名非靈岩到日
秋應晚還寫新詩遍翠微

右碑分三列上二列刻七律四首下列有詩十三行每行
存三字餘皆殘闕弟一首款書安石當是荆公斯時正參
政也然詩句頗不類次首款書充攷其時有俞充者字公
達鄞人熙寧中爲都水丞或卽其人蔡延慶爲蔡齊之子
宋史有傳

重修顏神廟碑

熙寧三年八月立并額俱正書碑高三尺九寸廣二尺在

博山縣靈泉廟

右碑額題重修顏神廟記三行字徑二寸六分文二十三
行字徑五分詞句樸質敘顏文姜靈泉事及奉祀建廟始
末惜有漫漶處書甚不工且多俗體

張揆送靈岩寺僧詩刻

熙寧三年九月刻正書石高一尺七寸廣三尺六寸在長
清縣靈岩寺石壁

詩送

新靈崑寺主義公上人

龍圖閣直學士尚書工部侍郎群

牧使張揆上

峩峩日觀出雲層西麓靈庵寄佛乘金地闌人安大衆

玉京選士得高僧霜刀斷腕群魔伏鈿軸存心奧義增願我舊

山泉石美湔除諸惡賴賢能

熙寧二年己酉歲中元日

詩送

勅差靈岳寺主大師詳公赴寺

朝散大夫守尚書戶部侍郎

致仕張揆上

黃紙除書下九天岱宗西麓鎮金田

鷲峯肅肅臻多士

蘭社熙熙撫衆賢像室光華輝曉日禪心清淨擢秋蓮山泉
自此增高潔雲集十方繞勝緣

熙寧三年白虎直歲九月

十三日

右七律二首字徑一寸三分案宋史張揆字文裕濟州歷

城人歷官戶部侍郎致仕熙寧七年卒年八十此刻第一

首送義公詩在熙寧二年尚是居官時作第二首送詳公

詩在熙寧三年是已致仕時作距卒時祇四年矣

靈岩寺勅牒碑

熙寧□□立并額俱正書碑高五尺四寸廣三尺八寸在長清縣靈岩寺

右碑額題勅賜十方靈岩寺碑二行字徑五寸牒文下半殘闕後有熙字當是熙寧年號又有王韓二叅政列銜以宋史宰輔表攷之熙寧二年二月庚子王安石自翰林學士工部侍郎兼侍講除右諫議大夫叅知政事三年四月己卯韓絳自樞密副使除兼叅知政事是年十二月兩公皆同平章事則此碑當立於四月以後十二月以前也

宮苑副使趙公墓志

熙寧四年九月刻并額俱正書石高三尺四寸廣二尺四寸在諸城縣超然臺上

宋故宮苑趙公墓誌銘

額三行字徑四寸

宋故銀青光祿大夫檢校右散騎常侍御史大夫宮苑副使荆
湖北路駐泊兵馬都監兼知鼎州靈州管內勸農事充本州界
沿邊都知務使輕車都尉
縣開國男食邑三百戶趙
公墓誌銘 將仕郎
知制誥
編修中書條例
兼檢正
房公事
勅令
判司農
賜紫金魚袋
口
撰

公諱
字宗
曾大父鈞大父延紹世家密州之諸城爲著姓
父
常舉明經至公與兄皆舉進士第
官至尚書駕部員外
郎公起家爲
州慶義軍判官用
監
州商稅杭州酒務
遷著作佐郎祕書丞知衢州之江山眉州之青神縣以太常博
士通判邢州程簡肅公畱守北京薦其材可任武事改內藏庫

副使用明堂恩遷官苑副使辟爲大名府路兵馬都監嶺南用
兵龍圖閣直學士李□之官荊州請公爲荊湖北路駐泊都監
兵罷□兼知鼎州鼎才接溪洞擇材武之□□□吏爲守臣自
公始然未行而公卒於荊州矣享年五十八皇祐六年五月二
十三日也公慷慨有志節□□吏事無劇易處之有餘裕青神
縣有冤民訟久不直公□爲辯而伸之又籍蒙右之家得隱丁
□數以給貧民之役縣人相與詠歌之大臣有欲薦公爲御史
後又欲以爲提點刑獄公皆辭不就性樂施予事其兄與□其
□□之子□盡其道未嘗以生事爲意也母齊氏福昌縣太君
夫人弭氏子男三人長晉卿資州盤石縣令次徽卿開封府開
封縣尉次端卿澧州軍事判官女三人孫男四人女孫二八公
之子以熙寧四年九月二十五日奉公與夫人之喪葬於諸城

縣盧山鄉諸口保王滿村西徵卿嘗與子仕同郡述公之行如此以來請銘予不得辭銘曰

代爲聞人孰謂之窮有韞無施孰謂之通懷材韜奇莫窺其中

維傳無窮口口幽宮

姪孫晏書并題蓋

孫閏川

右刻文二十一行字徑六分縣志云此碑自乾隆六年出土爲邨民椎鑿故有關字趙公失名惟存其三子晉卿徵卿端卿之名書法秀勁有唐人風度殊可法也

龍興寺佛經石刻

熙寧五年九月立并額俱正書在兗州府龍興寺

右碑朱朗齋自他處借錄未詳尺寸額題勅修彌勒佛堂一十五事并雋下生經卷故水記凡四行字徑一寸餘經文廿九行字徑五分碑側刻姓氏二行皆殘缺

韋驥等靈巖寺題名

熙寧六年十月刻行書石高二尺一寸廣一尺四寸在長清縣靈巖寺韋馱殿石柱

右題祕書丞韋驥著作佐郎張諤衢州判官楊于從諫院舍人鄧公察訪東川便道靈巖過夜遂宿熙寧六年十月中休凡五行左讀字徑一寸五分中休本張衡賦速燭龍兮令執炬過鍾山而中休東坡詩中休得小菴孤絕重雲表此云十月中休似皆同義

王紳袞靈派侯廟題名

熙寧七年八月刻正書石高一尺八寸廣一尺六寸在泰安縣靈派侯廟

右題再調靈派神祠請雨故也熙寧甲寅秋八月右璫王

紳衮儀父題凡五行字徑一寸五分

尚書祝惟岳神道碑

熙寧七年○月立正書碑高四尺九寸廣三尺在城武縣

○銀青光祿大夫○神道碑 宣德郎擢右

正言充集賢

下闕

將仕郎○大理寺丞充館閣校勘編

下闕

朝奉郎○人○集賢院○儀事

○都尉

下闕

○州之成○有譙郡錄事○西南○者

部尚書○所○郡北其○載

成武郡○六世○功授爲○豪

○人冠○博○柳○而死之

恩賚救代外知州以內

人議呼吏持府案抱訟書叩道

近人戍時使於其念貧民以閒數之凡數年

知天章閣待制冤於朝命公

往問後事公曰幸以所為民之其才以景祐年八

月丁酉卒遂嘉祐三年丙戌

贈戶部尚書銀青光祿大夫娶清河房氏河內縣君

追封昌縣太君蔡氏京兆縣君再封昌縣太君

開以惟諮

為太常少卿

供奉官多詹

唱名以明法獨為後科昔曰教當

之○耶有○○○後皆擢進士○而○○○皆其○○勝
成公○○○獨○所謂有陰○○○○○○改刑部又
爲大理○刑詳斷詳議官太常君○權○○○提點河北淮
南刑獄○○○○部而張○亦○詳覆○○法官○○○○
○○○○○○教授康以義試律令而賜明經及第擢
刑部○○○○後其以此與○銘曰

○○于周 ○爲○邱 ○○○○周諸侯○○○○

○○雍州 其後試郡 ○此成武 三○○○○○

祖 ○有西○○○○西○○○○○○

○○明○之○ ○公世仕 遂○諸祝 如彼作室 自

堂祖基 ○○有○○○○之宗 ○公○○

手笏○○ 二世公承 ○○之艱 惟艱其繼 ○在其身

□□□□□□□□□□能□□□有□□□□

熙寧七年□月□日建

右碑文及題衝年月凡二十八行字徑七分大半磨滅不可句讀案縣志鄉賢傳云祝惟嶽字同甫咸平中中明法科爲陵州司理叅軍秀州盜掠官粟捕盜十餘人論死趨就刑惟嶽督其言貌舉止疑非真盜爭不肯決旣而真盜果獲十餘人乃得全活其燭物發奸明允篤實卽張釋之于定國不能過也曹瑋知渭州素善維嶽俄易知秦州遂奏拜惟嶽秦州觀察推官屬以事時唵廝羅數犯邊惟嶽轉餉助瑋出入邊境多建奇謀祥符九年秋八月唵廝羅與宗哥族連結入寇使謀者聲言以某日下秦州會食以

激怒瑋維嶽勸瑋勒兵不動坐俟其至大破之日毀其族
帳斬首千餘級自是唃廝羅勢蹙退保磧中惟嶽之力也
遷大理寺丞既而出知河中府龍門縣縣多健訟惟嶽剔
蠹奸惡消沮不敢犯宰相王旦薦之方論遷於朝而惟嶽
卒贈銀青光祿大夫戶部尚書子四人皆登進士長諫終
屯田員外郎次誥蔡州與令次許并州軍事推官次懿太
常少卿志乘所載大畧多本於碑今驗拓本惟嶽字周輔
景德二年中明法科爲陵州司法秀州監捕盜四十餘人
卒贈銀青光祿大夫子誥爲太常少卿皆與志異當據碑
以正之宋史不爲惟嶽立傳卽曹瑋傳亦無一字及惟嶽
得此可補其闕矣

熙寧八年二月刻正書崖高二尺廣二尺四寸在泰安縣泰山碧霞祠西石壁

右題新兗守尚書外郎馬熙自仙源來謁帝祠是日登嶽徧遊東西絕頂新宿州掌嶽掾林會從大宋熙寧八年二月二十四日凡七行左讀字徑二寸

滕甫等雲門山題名

熙寧八年三月刻正書崖高四尺廣三尺在益都縣雲門山洞北石壁

右題南陽滕甫張擇賓樂安孫奇昌黎韓晉卿京兆史宗範晉安謝季成河東裴景范陽盧仲甫武都章傳汝南頓起熙寧八年三月丁丑弟中書男舌下從行門人方鎮凡八行字徑四寸段赤亭云案宋史滕元發初名甫字元發

以避高魯王諱改字爲名而字達道東陽人范仲陽見而
奇之舉進士第三人授大理評事遷御史中丞直言敢諫
神宗知其誠蓋以論新法出知鄆州歷青州後以老力求
淮南乃以龍圖學士復知揚州未至卒贈銀青光祿大夫
諡曰章敏公敏歷中外備見忠悃吾青宋多賢太守十三
賢而外復得公公家東陽而題曰南陽者舉族望也宋史
及東都事畧俱不書公之子嗣而此石南字下復有缺文
惜哉韓晉卿密州安邱人在宋史循吏傳此云昌黎亦族
望晉卿字伯修爲童子時日誦書數千言長以五經中第
由肥鄉主簿仕至大理寺卿讞獄多平反史不言宦於青
州乃與達道題名於茲者豈假歸而相偕來遊歟

靈泉廟賜額勅牒碑

熙寧八年六月立正書石高一尺一寸廣三尺在博山縣
靈泉廟

右碑三十九行字體大小不一文後所列諸衙多闕姓名
惟末署令史梁中立書令史唐師孟二人名尚存

諸城蘇子瞻題名

無年月八分書石方廣五寸在諸城縣學明倫堂

右題禹功傳道明叔子瞻遊凡三行左讀字徑一寸二分
案禹功喬敘字明叔趙果卿字傳道章傳字東坡集中並
有唱酬之作三人字在前獨子瞻居後是其所書無疑王
士正云坡蹟徧天下八分僅見此石也諸城縣宋時屬密
州東坡於熙寧七年自杭州通判除知密州至九年十二
月移知徐州此碑不署年月當在甲寅以後丙辰以前也

蘇子瞻書讀書堂石刻

熙寧十年二月刻正書碑高四尺廣一尺七寸在歷城縣學橋門外

右刻讀書堂三字徑一尺款題熙寧十年二月朔子瞻書徑七分縣志云張揆讀書堂碑明萬歷初掘地得之乃宋龍圖張揆舊隱處也案宋史列傳揆卒於熙寧七年距東坡書碑時已三年矣東坡以熙寧九年十二月離密州此或是道經龍圖故里感舊而書未可知也

靈泉廟勅牒碑

熙寧十年九月刻正書碑高一尺一寸廣三尺在博山縣靈泉廟

右刻三十四行字體大小不一此是中書省所下之勅牒

與前碑分刻縣志皆未詳及

會真宮詩題跋二石

熙寧十年刻俱高一尺八寸廣三尺六寸五分在泰安縣
岱廟環咏亭壁間

案縣志云會真宮詩種放撰并書久佚今存題跋二石移
置岱廟又云會真宮在城東南隅古之奉高宮也宋眞宗
東封駐蹕改今名据此碑韓退跋稱會真在皇上未封祀
前有太平之號至回蹕始貺今額是奉高宮又名太平宮
矣而志乘皆失之宋史種放傳放字名逸跋稱明逸先生
殆史訛也錢辛楣少詹云題跋者二十餘人或眞或行或
篆或隸或飛白胡宗回李宗諤宋綬韓退李孝昌鄒餘唐
異蘇子美魏閑范仲淹王洙歐陽修蔡襄程戡梅堯臣韓

琦沈邁張伯玉楊傑皇甫遊皆當時鉅公其云越者周越也曼卿者石延年也祕演則曼卿之友而僧者也才翁者蘇舜元也不疑者邵必也廣淵者王廣淵也熙寧丁巳譚述敘而刊石